

政記

一條至後冷泉

八


		和書門	
一六冊	三七函	二八六三	五號類

庫文閣内		和書	
三九函	一六冊	二八六三	五號類


史傳載紀

内閣文庫	
番號	和 28635
冊數	16 (8)
函號	139 139





日本政記



淺草文庫

一條天皇

諱懷仁圓融長子母三條院藤原氏兼家女也在位二十五年崩

壽三十二茶食藏骨于圓融帝陵側

秋七月天皇即位于大極殿時年七歲右大臣兼家

攝政罷太政大臣賴忠關白兼家辭右大臣准三右

位在三公上其弟為先為右大臣立花山帝弟居

貞親王為皇太子

永延元年丁亥秋九月中務卿兼明親王薨兼明以雄

才博學聞圓融朝為左大臣為攝政藤原兼通所忌



罷爲中務卿陽尊實奪其權乃營龜山莊作菟裘賦
以自遣及帝長好學召兼明子伊陟問其遺物伊陟
對曰唯有菟裘令獻之乃菟裘賦也有扶桑豈無影
乎浮雲掩而乍昏叢蘭豈不芳乎秋風吹而先破句
上嘆息自書其句藏巾箱帝崩後關白道長入臥內
觀而惡之手裂之云大將軍報平十歲大將軍
二年_{子戊}壽攝政兼家六十設宴其第兼家又營二條
京極第成大宴朝臣東宮大進源賴光贈馬三十四
以頒賓客宴集之盛前此所未有
賴襄曰一條帝亦有志於治者也曰吾得人才一

事不讓延喜天曆然吾觀其所謂人才如四終言
世所盛稱雖練達朝章大檢容媚權門者耳大江
時棟慶滋保胤等以文學稱藤原佐理行成等以
筆札著而毫無補於國家然猶謂才與地稱矣源
雅信以善音律能轉喉爲新調聞者傾聽藤原朝
光創意爲透額冠後人遵用大臣大將之所爲如
此而已朝廷之政爲權家所擅使天子於邑鬱結
而袖手傍觀無敢一言匡救之可謂之朝廷有人
矣乎攝政兼家之落二條京極第也大宴朝臣源
賴光贈馬三十四以頒賓客世傳以爲宴集盛事

前此所無也夫賴光時爲東宮大進其職小也其
祿薄也而有馬三十四何哉使當時公卿有虞天
下國家者可不加之意乎蓋公卿大夫以恬熙爲
務媮衣甘食漁色鬪歌而捕盜討賊之事委之武
臣世官者曰是賤事耳而不省地方兵馬之富漸
歸其手他日平治建久之勢隱然已胚胎於此而
舉朝莫能察徒以資誇談焉果無人故也則其所
謂才者可知已兼家子道長更極專擅家出三石
身爲兩朝外祖嘗詠歌其意曰此世吾之世也嗚
呼何知二百年後代有此世者更有其人哉

永祚元年_丑春罷朝光左大將以內大臣藤原道隆
兼之道隆兼家長子_秋七月太政大臣賴忠薨追
封駿河公謚廉義_{八月}京師大風宮門倒諸國海
溢_冬以僧餘慶爲延曆寺座主衆徒服前座主尋
禪不受教使破裂宣命勅賜尋禪封百戶不問衆徒
罪_{十二月}兼家爲太政大臣攝政如故尋罷攝政
爲關白_{爲關白}
正曆元年_寅春帝加元服_夏五月兼家有疾奏讓
關白職於長子道隆涼極第多怪乃捨爲寺曰法興
院尋削髮稱法興院關白數度_{一百人}大赦天下祈

病愈奏辭職左中辨藤原有國右中辨平惟仲爲兼
家信任曰是我左右眼也及疾問二人吾子誰可嗣
職有國善道兼曰公執柄三郎刀也惟仲曰舍嫡則
何乃立道隆道隆曰吾至此非德選特以嫡長然所
喜得報有國耳即職即奪有國父子官道兼以有功
於父缺望在喪無戚容會客遊嘻源賴光弟賴信任
道兼欲刺道隆曰使吾主代之賴光掩其口止之
六月攝政道隆罷左大將以濟時轉左大將道兼兼
右大臣秋七月兼家覺兼家有所信一巫無言不
從冬立道隆女定子爲中宮時帝年十一中宮十

五

二年辛卯春正月圓融法皇崩年三十二秋七月道
隆罷丹大臣九月右大臣藤原爲光爲太政大臣大
納言源重信爲右大臣權大納言道兼爲內大臣
皇太后削髮號東三條院女院始此
三年壬辰夏大水太政大臣爲光薨追封相摸公稱鷹
司相國其女爲花山女御病卒爲光哀戚遂歸佛創
法住寺居焉稱法住寺大臣
四年巳癸夏道隆爲關白秋源雅信薨雅信字多帝
四世孫善歌及蹴鞠又善音律轉喉爲新調聞者傾

聽

五年^{甲午}春帝始視除目 秋內大臣道兼為右大臣
 權大納言伊周為內大臣伊周道隆次子才貌過人
 父愛之故超越先輩年厘二十一
 長德元年^{乙未}夏關白道隆薨道隆在職多汲進妻黨
 時論少之性嗜飲與藤原朝光藤原濟時為酒敵臨
 終曰吾不得與二子俱則生天堂亦不樂已而二人
 相繼薨人以為奇朝光兼通子濟時師尹子並至太
 將朝光美姿儀嘗創意製透額冠後人遵用朝光初
 娶皇明親王女生數子聞大納言源延光妻新寡醜

而饒貫乃逐其室而娶之初村上帝善箏授之濟時
 傳其女娥子皇太子居貞聞慕之遂納為妃濟時悅
 謂必賜輦車詣關白兼家言情兼家諾之并舞而出
 然輦車竟不下世呼為空拜大將 以右大臣道兼
 關白庶政權大納言藤原道長兼左大將 五月道
 兼薨在職僅七日世曰七日關白 敕道長內覽大
 政官文書道長兼家季子豪爽負氣嘗有相者視之
 曰是謂虎獨步深山貴顯無比是歲春道隆病奏令
 其子伊周攝省中事帝以伊周中宮兄固親寵之及
 道隆薨道兼為關白伊周失望道兼薨伊周自謂必

得政上意亦在焉而圓融大右道長姊也欲其執政
上不聽大右大憲上不得已從之六月道長為右
大臣以藏人頭源俊賢為參議以藤原行成為藏
人頭俊賢高明子行成伊尹子初藏人頭關關白道
隆難其人問俊賢俊賢曰亡踰下官者道隆奏舉之
至是上問俊賢自舉可代者以行成對後皆為納言
時藤原齊信為光子藤原公任賴忠子與俊賢行成
並為納言明習朝典世稱四納言
二年內夏內大臣藤原伊周有罪貶為太宰大貳中
納言藤原隆家貶為出雲權守先是故太政大臣為

光二女曰三君四君孤居鷹司第伊周私三君花山
法皇挑四君數往觀之伊周意與三君通告之隆家
隆家率惡少夜要法皇放矢怖之誤中其衣中外不
敢言已而三條大右疾或言其由伊周咒詛乃有此
命先是中宮有身出居伊周第伊周亦徘徊不坐上
聞之乃安置播磨隆家于但馬已而伊周私歸西京
遣檢非違使勒赴配所已而以中宮生皇女大赦
見召還秋道長轉左大臣大納言顯光為右大臣
是歲大饑米價騰貴
四年戊戌以文章博士藤原為時為越前守越前守關

爲明與源國盛並冀望之左大臣道長援國盛爲時
竊上書哀訴上讀之悽惻至不御膳道長乃罷國盛
與爲時妹是神式大司大雅言國盛爲時大臣
長保元年己巳夏禁丹火課諸國造宮冬以左大臣
道長女彰子爲女御宗子即爲日而時國盛
二年庚子春二月立爲中宮稱上東門院故中宮定子
改曰皇后彰子生豐艷髮長於身二尺許道長殊愛
之欲其貴及入內裝奩玩工究極工巧居飛香舍侍
女數十人皆妙選一時才色時彰子年十三帝每戲
曰老翁可愧先是皇后有身出就其父但馬守平生

昌家生皇子敦康時上未有子大喜欲見之憚道長
不果闕中宮歸寧召入后及敦康既而后又有身生
皇女數日崩后出寒微恭謙有恩中外哀惜后侍女
有清少納言中宮侍女有紫式部和泉式部并有才
名和泉式部大江雅致女多淫行紫式部越前守藤
原爲時女嫁右衛門佐藤原宜孝生一女而寡著文
自娛中宮好文詞召爲師道長悅其才色欲私之式
部拒不從

三年辛丑秋八月以權大納言藤原實資兼右太將實
資參議齊繁子爲祖父實賴子養以強敏稱冬禁

內火帝遷居一條院東三條太后崩太后兼家女其兄弟相繼爲關白朝政多取決焉崩年四十是歲復藤原伊周官進從一位

四年^{壬寅}夏敕造宮制度務從儉朴明年冬宮成

寬弘元年^{甲辰}冬罷太宰權帥平惟仲以宇佐祠官訢

之也

二年^{己丑}春大藏省火盜殺大藏太輔平孝信以藤

原伊周班大臣下納言上參預朝政冬禁丹火神

鏡大刀契焚遣使御筆宣命伊勢大廟

三年^{丙午}春造宮是歲大和守源賴親亂與福寺僧不

法僧徒二千餘人入京訢之左大臣道長慰諭遣還

五年^{戊申}春以藤原伊周准大臣賜封千戶叙正二位

二月花山法皇崩年四十四秋九月中宮生皇

子敦成于上東門第帝臨幸飲宴召道長家人授位

有差伊周謂敦康親王必爲太子及敦成生不憚有

流言其咒誑道長究治黨與停伊周朝參既而得釋

秋七月中務卿具平親王薨且平村上帝子受業

於慶滋保胤有文名而性恬退世與兼明竝稱曰前

後中書王嘗和御製詩有忽戴君王還自耻風聲猶

減漢東平之句冬十月一條院火徙御左大臣道

長枇杷第...
 七年庚戌春以皇子敦良親王准大臣伊周薨臨終
 自以不遂志嗚咽而逝冬十一月一條院成還御
 八年辛亥夏五月帝不豫六月讓位皇太子居貞立皇
 子敦成爲其儲貳初帝意欲立敦康而皇右既崩伊
 周亦薨第隆家資望猶淺帝以其無援又憚道長密
 謀於中納言藤原行成行成亦懼道長勸立敦成中
 宮養敦康善視之勸其父請立之曰我子尚幼事未
 晚也道長不可遂立敦成帝崩年三十二帝性慈仁
 嘗效延喜帝寒夜脫御衣以體民苦藤原齊信嘗欲

有汲引聞上語曰凡事須反淳素不能諂而止道長
 日厭珍羞聞之不敢復進帝在位最久人才輩出嘗
 言朕得人一事庶不愧延喜天曆心疾道長專權而
 力不能制也

史稱一條帝心惡藤原道長所爲而不能制也蓋
 以藤原氏之累葉權威雖英明之君有不能奈何
 者矣况帝乎而欲以制道長難矣曰然則是終不
 可奈何乎賴襄曰可帝嘗從容謂侍臣曰凡事須
 反淳素藤原齊信欲有所汲引聞帝言不能諂而
 止道長厭珍羞聞之不敢復進嗚呼是可爲之機

也人主據可爲之位挾可爲之資雖爲權門所鉗制處無奈何之時而非無可回復之機也其機不在於彼而在於我譬若沉痾廢疾其來非一日扼其要害而不可除欲以攻擊克之非其斃不可姑舍之扶其元氣以勝之元氣昂則疾勢伏其機然也人主試原其始思之彼其所以能專其權以制我者何哉我始借之權也我家每娶其女也彼以我之舅氏以擅我政也是藉我以為重者也藉我以為重者亦籍我以為輕故曰其機在於我我苟正吾度爲我所可爲者則彼將畏服而不敢蔑視

我曰是亦如君也君如君則臣庶幾將如臣也其初之所以敢不如臣者由於君不如君也帝一言如君則足以警服道長其機如此惜乎不知養此機以遂克之也苟養此機以遂克之則收復朝權不必待後三條也夫欲養此機必當有以輔之如元氣之須參耆如藤原實資乃帝之參耆也舍此而不用欲用右兄之伊周以制之是欲養癰疽以驅痰飲也

三條天皇

諱居負冷泉第二子母藤原氏攝政兼家女在位五年崩壽四十二火葬

藏骨於北山

冬十月天皇即位于大極殿年三十六左大臣道長
知太政官文書如故冷泉上皇崩年六十三
長和元年壬子春道長進其女妍子為中宮上東門院
之妹也稱枇杷中宮道長積備裝奩十年許奢華過
其姊夏立女御娥子為皇右追贈故大納言藤原
濟時太政大臣娥子濟時女也上初欲立之而憚道
長道長陽贊成之及冊拜朝臣恐補宮職忤道長旨
悉往中宮上遣使召之無應者甚至罵辱教使投以
瓦礫上大憲獨右大將實資曰吾豈阿權臣而忽王
事哉乃與中納言隆家等數輩入朝預嘉會上因是

竊倚頗實資是歲侍從大江匡衡卒匡衡左京大
夫重光子受業祖父維時以文學著然沈滯終身子
舉周養子時棟竝繼其業妻稱赤染衛門為左大臣
道長妻侍女嘗著書叙藤原氏盛事曰榮華物語
二年癸丑冬十二月上患目疾使僧禱之
三年甲寅禁中火三月內藏掃部二寮火累代寶器多
焚上徙御枇杷第五月定造宮諸司課諸國守督作
以明年三月為期
四年乙卯大疫九月宮成還御進造宮諸司位十月
詔道長行京官除目於直廬儀准攝政道長欲太子

早登位數諷上遜位上眼疾增劇不能視朝乃有此
 命罷內大臣公季左大將以大納言藤原賴通代之
 賴通道長長子帝謂左右曰吾委除目於道長道長
 所為不公自取其譴朕不與焉十一月禁中火復
 徙此祀第目疾不愈道長使醫官以寒水進金夜丹
 遂喪明

五年^{丙辰}春帝讓位皇太子立敦明親王為新帝儲貳
 敦明皇后所生也時道長奏請立敦良帝不聽遂立
 敦明年二十三長於新帝十四歲敦明不自安帝欲
 以右大將實資為東宮大夫實資以衰老不堪辭朝

臣擬東宮屬者皆固辭右大臣藤原顯光女為敦明
 妃乃以顯光為傳

後一條天皇

諱敦成一條第三子母上東門院藤原氏左大臣道長如在位二十

年崩壽二十九火葬藏骨於淨土寺

二月天皇即位于大極殿左大臣道長攝政帝生甫

九歲夏四月課諸國造宮冬十月道長罷左大

臣

寬仁元年^{丁春}三月道長罷攝政以其子左大臣賴
 通代之位班左右大臣上中納言藤原教通兼左大
 將賴通弟也夏五月三條上皇崩秋八月廢皇太

子敦明立敦良親王爲皇太弟初大夫顯光以舅故
每事擁護太子然朝臣憚道長不敢起居太子及上
皇崩益甚東宮官屬至廡役皆不肯供職太子不能
堪欲託疾逃位道長又使參議藤原兼隆太子太
子愈懼召道長子能信言其情道長喜謀之夫納言
源俊賢俊賢俠速決計乃急奏帝及上東門院門院
曰果然宜立敦康從先帝遺旨道長曰彼無外戚援
不可遂矯詔廢太子太子母堀河太后聞之驚往視
不及號泣道長病之奏賜號少一條院置年官受領
夷准上皇封戶仍舊又納其第五女爲妃以慰之且

掩物議故妃延子歸家憂憤薨妃父顯光哭之一夕
鬚髮盡白冬十二月道長爲太政大臣叙從一位
二年_{戊午}春辭太政大臣夏四月宮成還御冬十
月立道長第三女威子爲中宮中宮長於帝九歲帝
尚幼以中宮匣奩爲戲玩於是道長一家三右帝與
太弟竝爲外孫嘗同集上東門第道長喜作歌自頌
以月望無缺自喻以語右大將實資使和之實資辭
曰秀歌不和自古然也十二月敦康親王薨年二
十一親王夙有令譽爲一條帝所愛憚道長不得爲
太子及小一條辭位太皇太后欲援立之亦不果太

右厚資給之又以其妃為攝政賴通妻妹得其助家
纔得不乏

三年己未夏乃伊賊寇壹岐殺守藤原理忠遂犯筑前
太宰權帥藤原隆家遣前少監大藏種村等逆擊大
破之詔進隆家爵以種村為壹岐守隆家伊周弟以
敦康親王不得儲位憤歎欲請外任會帥闕奏請得
之有治績是春壹岐對馬有警驛奏請救符救符未
至而有此寇隆家發兵諸將以賊船多請益戰艦種
村不可奮進捷報朝議以其私登不宜加賞大納言
實資引寬平中對馬守防新羅寇得賞例因有功不

賞何以厲後大納言藤原齊信亦同其議乃與賞

冬十二月內大臣賴通改攝政曰關白

四年庚申夏痘行帝亦患之因詔免諸國調庸逋負疾

病者遣吏撫視

治安元年辛酉夏六月以右大臣藤原公季為太政大

臣賴通為左大臣職如故實資為右大臣教通為內

大臣尋以實資兼皇太弟傳


二年壬戌秋七月先是道長創法成寺於京極擬興福

寺究極土木未成而獲疾乃課諸國督役速成帝臨

幸落之

萬壽元年乙卯秋幸關白賴通賀陽院第觀競馬
四年丁卯春京師多盜入禁中奪物二月右近衛府圖
書寮火冬十二月道長薨先是三條皇后及太子
妃前後崩薨皆道長女道長立朝四十餘年始遭凶
事遂哀戚致疾帝臨視問以欲言道長曰臣復何望
唯法成寺成黃役者未被賞為憾耳帝即敕加家司
等位賜寺封五百戶遂薨年六十二世稱法成寺攝
政又稱御堂關白此時禁諸國吏營宅過制及六位
以下版築作垣檜皮葺屋而道長營造僭擬禁宮取
材木徒役於官

長元元年戊辰秋前上總今平忠常作亂下總攻殺安
房守遣檢非違使平直方等下官符東海東山二道
發兵討之是歲太政大臣公季薨關院祖
三年庚午安房守藤原光業畏忠常棄印鑑奔還以平
正輔代之秋九月召還平直方敕甲斐守源賴信
率阪東諸國兵討忠常忠常負山帶湖為固賴信襲
執之撫降餘眾
四年辛未夏携入京師忠常途病死斬首以獻叙賴信
從四位上為上野常陸公賴信以老不堪遠任請改
守丹波不許



五年^{壬申}大旱諸大川皆涸

六年^{癸酉}盜入禁中及東宮

七年^{甲戌}自正月至七月雨八月大風洪水

九年^{丙子}夏帝崩在位二十一年年二十九帝每憚勞

民及葬役夫相語曰二十年間使吾儕息肩今豈不

效力

後朱雀天皇

諱敦良後一條同母弟在位九年崩壽三十七火葬藏骨於圓教寺

秋七月天皇即位于大極殿年二十八左大臣賴通

關白諸政如故

長曆元年^{丁酉}春立禎子^{內親王}為中宮母^{枇杷皇右}

以道長孫女入^內三月改號皇右立女御禎子為中

宮初上在東宮納道長女嬉子生皇子親仁又納禎

子生皇子尊仁關白賴通無女可納而嫔子其妻妹

也故養為子納之^秋八月立皇子親仁親王為皇

太子

三年^{己卯}春以園城寺僧正明尊為叡山座主僧徒以

其非慈覺徒不受羣衆訛迫關白賴通第打破其門

令檢非違使驅退之執首惡下獄三月僧徒放火高

陽院捕獲之^夏禁內火徒御京極院^秋中宮嫔

子崩冬納^內大臣教通女為女御

賞購捕 秋大風八省堂倒京極院火徙御內大臣

教通二條第課諸國造宮 三年巳辛冬宮成還御

三年巳辛冬宮成還御 三年巳辛冬宮成還御

四年未癸春行諸節會于官廳已徙御一條院冬右大

臣實資罷右大將以權大納言通房代之賴通長子

十二月一條院火徙御東三條院 寬德元年甲夏大疫

秋八月宋商至但馬遣使存 間使奪其財物宋商許命悉還與之筑前人清原守

武坐私入宋流佐渡 冬十二月上視除日見大人

於屏風上自是不豫 二年配春正月大漸讓位皇太子以尊仁親王為新

帝儲武以中宮大夫藤原能信為東宮大夫時帝召

關白賴通命之賴通以尊仁非藤原氏出不欲立對

曰事未晚也賴通退能信近御牀奏曰陛下欲以第

二宮付何僧上曰朕將置之東宮何謂付之僧也能

信曰苟然早决之不可過今日過今日恐有他故帝

悟即日立為皇太弟能信賴通弟也 帝崩于東三

條院年三十七

卷之八

十七

十七

十七

十七

十七

十七

十七

十七

十七

十七

十七

後冷泉天皇

諱親仁後朱雀長子母贈皇太后藤原氏攝政道長季女在位二十

三年崩壽四十四火葬藏骨於圓教寺

夏四月天皇即位于大極殿年二十一左大臣賴通

關白庶政如故以權大納言藤原賴宗兼右大將

賴宗賴通弟

永兼元年丙春正月右大臣藤原實資薨實資剛直

明達不惑邪說初攝政道長專權舉朝阿附實資獨

侃然正色屢發忠憤天子倚賴焉上東門院入內道

長乞一時名流作和歌屏風中納言藤原公任為選

首花山法皇亦有御製實資時為大納言獨拒之曰

安有官列上達部而為女御資裝者耶後一條帝有

凶夢或勸講最勝經實資止之曰陛下唯正已修政

邪不能犯也僧明尊自稱夢有牛自稱迦葉佛往膜

拜朝野翕然群詣實資獨不往藤原氏家臣病有惡

者妄語實資適往輒懾伏曰吾懼見此人病乃已

賴襄曰藤原實資可謂大丈夫矣當權臣擅政舉

朝攀附之時雖天子猶伺其喜怒獨實資以其同

族特立不阿至天子倚賴之以為安可不謂之大

丈夫邪如不肯書上東門院之屏風激一世不振

之士氣吾讀史至此未嘗不想見其人以如此之

世猶有如此人也又讀至其辭爲皇太子傳則有
異焉敦明權臣所不欲立而天子立焉倚實資以
扶植之也爲實資者何不慨然以身許之而以衰
老不堪爲辭乎此時實資以大納言爲右大將蓋
歲七十矣後五年乃遷右大臣兼皇太弟傳所謂
皇太弟乃權臣所欲立也誠使衰老不堪何以辭
於前而不辭於後後又二十餘年而沒蓋九十矣
其矍鑠可知也則前之辭者非遁辭邪觀實資之
平素非怵禍福喪廉耻唯官爵是戀如當時公卿
比也豈度時勢之不可爲焉爾邪苟然何不併辭

其官高視事外而懸仕至死乎抑以已受國恩特
厚不敢退就安姑與權臣共事以匡濟其太甚耶
或以吾論實資爲苛也夫唯實資也故吾苛論之
當時舉朝之士皆婦人也婦人不足責有一丈夫
焉吾烏得不責以其道哉如源顯基之事後一條
崩後辭官隱居卻醫藥以死則疾世濁亂潔身而
逝邪審能然是之謂真大丈夫

二月太政官朝所火 秋七月立女御章子內親王
爲中宮 冬十月宮成還御

二年丁亥秋教通爲右大臣賴家爲內大臣是歲前權

中納言源顯基薨顯基大納言俊賢長子仕後一條
帝受恩遇及帝崩不欲復立朝削髮隱大原患疽喜
曰病至死心不亂者唯癰疽卻醫藥而逝

三年^{戊子}冬禁內火徙御京極院

四年^{己丑}夏皇后皇太弟所居閑院火

五年^{庚寅}春正月流大和守源賴親于土佐賴房于隱
岐先是賴親訴興福寺僧徒不法僧徒怒攻其館賴

親父子防戰多殺傷僧徒來訴故有此命

六年^{辛卯}春立關白賴通女寬子為皇后少一條院薨

秋冷泉院成徙御

七年^{壬辰}大疫

天喜元年^{癸巳}秋上患瘧徙御賴通賀陽院第

二年^{甲午}春賀陽院火還宮 秋徙御京極院 冬京

極院火徙賴通四條第

三年^{乙丑}夏毀冷泉院移造一條院明年春成徙御

四年^{丙申}秋七月彗星見東方八月陸奧酋安倍賴時

反救陸奧守兼鎮守府將軍源賴義討之賴時伏誅
賴時自父祖世為酋長至賴時略有六郡據衣川擅

海利不輸歲貢賦時出兵侵掠國守不能制朝議以

賴義賴信子得東人心乃命此任會有大赦賴時大

喜厚贈賴義賴義任滿將還夜斫屬將藤原光貞
營者賴時子貞任嘗求婚光貞光貞鄙之不許故報
其怨也賴義欲收貞任賴時乃閉關復反其二婿藤
原經清平永衡在官軍或言永衡貳賴義收斬之經
清不自安去歸賴時賴時益振賴義以討賊自任不
敢歸
五年酉春賴義招降俘囚酋安倍富忠要擊誅賴時
貞任勢猶張經清爲作私符徵諸軍兵食曰用白符
勿用赤符赤符官符也國民靡從賴義大困 九月
奏請輸兵食久之不至乞援於出羽守源兼長不敢

應 冬觀義孤軍進攻貞任敗績厘免歸奏狀懇議
罷兼長以源齊賴代任亦不敢出兵賊軍益張

康平元年戊戌春中院火延及諸殿

二年己亥春一條院火徙御賴通三條第 夏大雨洪

水 秋大風 是歲盜屢行皇宮

三年庚子秋關白賴通罷左大臣教通爲左大臣賴宗

爲右大臣權大納言藤原師實爲內大臣師實賴通

子

四年辛丑冬賴通爲太政大臣

五年壬寅罷教通左大將以師實兼左大將 秋賴通

辭太政大臣關白如故。陸奧守源賴義以出羽
清原武則等討陸奧賊大破之。斬酋賊安伯。負任傳
首京師。詔叙賴義正四位下。爲伊豫守。武則從五位
下。爲鎮守府將軍。先是以賴義任滿。以藤原良經爲
陸奧守。以賊未平。辭不往。又以高階經重爲守兵民
服。賴義不受其節度。經重乃歸。賴義招致武則。得兵
萬餘。進攻賊小松柵。拔之。負任來戰。武則曰。賊不固
守。困而出戰。是我利也。連戰破之。乘勝衝其巢窟。終
斃。負任獲。經潛斬之。賴義曰。猶能用白符邪。以餘黨
未平。猶留陸奧。

七年

甲辰

春賴義以諸降虜至京師。赦放之。伊豫冬

罷右大將賴宗。以權大納言源師房兼右大將

治曆元年

乙巳

夏早。先是賴義請賞陸奧役將士有功

者。朝議久不決。以故未赴任。公私督責。踵至。賴義以

私物進濟。入遭旱不登。因上疏請再任。六月藤原

師實爲右大臣。源師房爲右大臣。師房具平親王長

子知關白。賴通妹醜。故娶之。賴通喜。故累遷至此。

三年

丁未

冬行幸賴通宇治別莊。以賴通准三右賜年

官爵。加忠仁公事。初賴通捨莊爲寺。曰平等院。敕賜

封三百戶。已而罷其關白特敕。咨詢政事。

四年^{戊申}夏以左大臣教通關白^{平政}賴通意欲讓職
其子師實啓之上東門院院以道長夙志在教通遂
命之帝崩于賀陽院^{平政}賴通意欲讓職
賴襄曰昔者元魏之衰羽林騎焚張彝第而魏主
不問高歡觀之謂天下之事可知矣歸散財結士
我長曆天喜之際有類於此者延曆寺僧徒抗訴
迫關白賴通第打破其門已而放火高陽院大賴
通之名位不翅張彝也而僧徒非羽林之比天下
之事爲何如哉後興福寺徒又攻大和守源賴親
之館而朝議流賴親于土佐不亦甚於小問乎而

陸奧之酋侵蝕六郡不奉貢賦源賴義以國守討
征勦之借出羽酋之力總能平之朝廷遣代人而
兵民服賴義不奉其號令賴義以獨力經紀二國
十餘年及奏捷爲將士請賞格朝議久不決其後
賴義子義家再平陸奧之亂而朝議以爲私鬪又
不與賞典非源氏父子以私恩撫緝之則東國豪
傑寧能恬然哉高歡自以其意結納之而已我朝
則驅而歸之其手我朝紀綱之廢甚於元魏而源
氏父子智勇固過於高歡異日源氏坐奪朝權者
決於此矣朝廷公卿方以聲色歌詠爲事而血戈



卷之八

二十三

汗馬之勞委之邊鄙之吏又不肯償其勞而欲偃
然長託於其上是天道所不與也大凡治安之久
上者亢而不下下者滯而不上上下下之間痞痛不
通而天下覆矣下者反制其上上者反制於下必
然之勢也當是之時英偉俊傑之士多生於下而
上者皆猥瑣頑鈍無耻之人是之謂氣運之變故
其勢不得不反覆也噫可不懼哉

其其思慮不審其意必欲其以弊代弊二國
其其思慮不審其意必欲其以弊代弊二國
其其思慮不審其意必欲其以弊代弊二國

